


ten/ist alweg die zal der pfunden vnd lohten geschriben. Aber die Bergkleut/so  
 mitt Kupffer vmbghendt / die teilen die kleinerē gwicht / wie dan auch die grōs-  
 sere / viel anders: dan deren grōstes gwicht / weiget hundert vñ zwōlff pfunde/  
 welchs das erst teil ist: das ander teil aber / weiget vier vñ sechszig pfunde: das  
 dritt / vier vñnd dreissig: das vierdte / sechszehen: das fünffte / acht: das sechste /  
 vier: das siebēdt / zwey: das acht / eins: das neundte / ein halb pfundt / oder sechsz  
 loht: das zehēdt / acht loht: das eilffte / vier loht / das zwōlffte / zwey: das dreize  
 hende / eins.



Aber das Kleinere halb pfundt / welches die vnserē ein Marck heissende / wu-  
 de die Römer Bessern heissen / teilēdt sie gleich wie das grōsser die münzer / die  
 das goldt münzen / in vier vnd zwēzig krat / vnd ein jertliche krat in vier gran /  
 vnd ein jertlichs gran in vier grenlin / ein jertlichs grenlin teilēdt etliche in vier  
 halbe grenlin. Aber etliche / welche die grenlin vnderlassent / die zerteilēdt ein  
 krat in zwōlff grenlin / teilēdt aber die selbige nicht in vier halbe grenlin. Des-  
 halben das erste vnd grōste teil / welches das marck ist / weiget vier vnd zwēzig  
 krat: das ander teil / zwōlff: das dritt / sechs: das vierdte / drei: das fünffte / zwey:  
 das sechste / in eins oder vier grenlin: das siebēdt / in zwey grēlin: das achte / in  
 ein oder drey grēlin: das neundte / in zwey: das zehēde / in eins. Ja auch die mün-  
 zer die sylber münzē / die teilēdt zūgleich die grōssere vñnd kleinere marck / die  
 vnserē zwar in sechszehē loht / ein loht aber in achtzehē grenlin / denē aber seindt  
 zehen stücklin: die in die andere wagschüssel glegt / das sylber weigēdt / welches  
 so sie den zūsatz probieren / ist es noch überig / so das Kupffer im rauch ist auff-  
 gangē / welcher erste ist das marck / vñ weiget sechszehen loht: das ander / acht:  
 das dritte / vier: das vierdte / zwey: das fünffte / eins / od achtzehen grenlin: das  
 sechste / neun grenlin / das siebēdt / sechs: das achte / drey: das neundte / zwey:  
 das zehēde / eins. Aber die Türenberger münzer / die das sylber münzen / zer-  
 teilēdt auch ein marck in sechszehē loht / aber ein loht in vier quintlin / ein quint-  
 lin / in vier pfennig / welchen neun stücklin seindt: vnder welche das erste weiget  
 sechszehē loht: das andere / sechs: das dritte / vier: das vierdte / zwey: das fünff-  
 te / eins. Dan das marck zerteilēdt sie nicht anders als die vnseren / aber dies  
 weil sie ein loht in vier quintlin teilēdt: das sechste stücklin / weiget 2 quintlin:  
 das siebēdt / eins oder vier pfennig: das achte 2 pfennig: das neundte / 1 pfennig.  
 Aber